

# Naammagittaalliuuteqarnissamut ilitersuut- Politiit

## SOOQ POLITIINUT NAAMMAGITTAALLIUSSAANGA?

Assigiinngitsunik pissuteqarlutit Politiinut naammagittaalliorsinnaavutit. Politiit inatsisit assigiinngitsut tunngavigalugit suliaqartarmata ataasiinnarmik naammagittaalliuuteqarnissamut ilitersuuteqanngilaq. Naammagittaalliuuteqarusukkuit Politiit saaffigisinnaajuaannarpatit.

Assigiinngitsorpasuartigut pisoqarneratigut politiinut naammagittaalliuuteqarsinnaavutit;

- Unnerluutiginnikkaluarlutit suliaq politiit tigujumangippassuk, politiit suliaq unitsiinnarpassuk imaluunniit suliaq pillugu akiumaataarpallaarpat.
- Politiit pissusilersuutaat naammaginngikkukku, assersuutigalugu politiip qanoq pissuseqarluni oqaluunnaeratit imaluunniit pissusilersorfigineraatit imaluunniit innarluutit pissutigalugu paatsoorneqartutut immikkoortinneqartutulluunniit misigisimaguit. Politiit pissusiat pillugu naammagittaalliuuteqarniaruit toqqaannartumik Den Uafhængige Politiklagemyndighed-imut nittartagaatigut naammagittaalliuuteqarsinnaavutit. [Politiklagemyndighedimut naammagittaalliuuteqarit unnerluutiginnillutilluunniit](#)

Naammagittaalliuutit tamarmik Kalaallit Nunaanni Politiinut tunniunneqarsinnaajuaannarput, taakkulu ingerlateqqinnissaa isumagissavaat.

## QAQUGUKKUT NAAMMAGITTAALLIORSINNAAVUNGA?

Piffissaliussat assigiinngillat apequtaalluni naammagittaalliuutit sumut tunnganersoq suliarlu naammagittaalliuutigisat suunersoq. Inummit allamit arlaatigut pineqarsimaguit, inuinnarmit politiimilluunniit, naammagittaalliorinissannut killigitaqanngilaq.

Pitsaanerpaavorli piaartumik naammagittaalliuuteqarnissat, suliaassiissutinut naammagittaalliuutinullu tamanut tamanna atuuppoq, piffissarmi sivitsorpallaaraangat suliat paasiniauminaassiartuinnartarmata.

## QANOQ ILILLUNGA NAAMMAGITTAALLIUSSAANGA?

Naammagittaalliorinaruit najukkanni politeeqarfik atassuteqarfígissavat, politeerli politeeqarfilluunniit naammagittaalliuutigiumasat atassuteqarfígerusunngikkukku politiit normuannut pingaarnermut attavigisinnaavatit imaluunniit e-mailkkut.


- Telefon: (+299) 701448
- E-mail: [grl@politi.dk](mailto:grl@politi.dk)

Naammagittaalliuuteqarninni paasissutissat tamakkernissaat eqqaamaniariuk, eqqaamaniagassaq pitsaasoq: naammagittaalliuut kimut tunngava, susoqarpa, qanga taama pisoqarpa, qanoq aamma sooq.

## NAAMMAGITTAALLIOREERUMA QANOQ ILIUSSAANGA?



Nalinginnaasumik akissuteqaatit sap.ak.1-2 ingerlanerini tunniunneqartarput, suliali ilaat sivisoorujussuarmik suliarineqarsinnaasarpur, naammagittaalliuutip qanoq annertutiginera inatsimullu sumut tunnganersoq apequtaalluni. Politiit iluini naammagittaalliuuteqartarfiit assigiinngillat, Statsadvokati, Rigspolitiit aamma Den Uafhængige Politiklagemyndighed.

# Qanoq pisoqarnerani Politiit naammagittaalliutiginissaannut assersuut



Politiit atassuteqarfiginerini Inuk misigisimavoq immikkoortinneqarluni. Inuk oqalunniarnerminik ajornartorsiuteqarpoq, politiip paatsoorpaa suliarlu aallartinnagu Inuk-p saaffiginnissutaa unnerluussissutitut tigungninnamiuk. Politiit isumaqarput suliaassinagu, Inuk-lli oqaasii paasiniarluaqaangilaat.

Inuk-p politiit oqaluuteqqikkusunngilai, aammali pissusii nuannarinagit. Inuk aalajangerpoq politiit pissusilersuutaat pillugit naammagittaalliutiginiarlugit, naammagittaalliummik allagaqarpoq politeeqarfiullu mailianut nassiullugu.



Nuummi Politeeqarfiup Inuk-p naammagittaalliutaa tiguaat Den Uafhængige Politiklagemyndighed-imullu ingerlateqqillugu. Suliaq Inuk-mut tunngasoq aallartippoq Den Uafhængige Politiklagemyndighed-illu Inuk tusarniaaffigaat misissuinerminnilu oqaaseqartillugu.

Den Uafhængige Politiklagemyndighed suliami aalajangiivoq, Inuk suliami taparserneqarpoq. Taassuma kinguneranik politeeqarfik pineqartoq uparuarneqarpoq, politiillu Inuk-p oqaloqatigisimasai uparuarneqarlutik.

Inuk-p saaffiginnissutaa suliariumanginnamikku kukkupput, Inuk-p innarluuteqarnera pissutaalluni isummat pigiliutiinnakkat pissutaallutik saaffiginnissutaa upperineqarsimangilaq.

